

Vuk'uzenzele



Produced by Government Communications (GCIS)

English/Sesotho

| Phuptjane Kgatiso I



The people's President



ALSO AVAILABLE ON:



@VukuzenzeleNews



Vuk'uzenzele

Websites: www.gcis.gov.za

www.vukuzenzele.gov.za

Email: vukuzenzele@gcis.gov.za

Tel: (+27) 12 473 0353

FREE COPY

Boikitlaetso ba YES bo thusa batjha ho hlwa mekwalaba



Boikitlaetso ba Tshebeletso ya Kgiro ya Batjha (YES) bo ririle ho fa batjha ba milione ba sa sebetseng maiphihllo a mosebetsi a lefellowang nakong ya dilemo tse tharo.

E le mohopolo wa Moporesidente Cyril Ramaphosa, lenaneo lena le reretswe ho lokisetsa batjha mosebetsi le ho ba neha maitsebelo a setekginiki a batlehang ho tshwanela kaho ya diindaseteri bakeng sa moruo.

YES e boitse ke boiteko bo kopanetsweng ke mmuso, boramosebetsi le dikgwebo ho netefatsa hore batjha ba Aforika Borwa ba malala-laotswe bakeng sa lekala la kgiro.

Ho fihlela mona, boikitlaetso ba YES bo kgonne ho hlahisa menyetla ya mosebetsi e 17 000 bakeng sa batjha ba sa sebetseng.

Haeba o le motjha mme o batla ho ba karolo ya Boikitlaetso ba YES o lokela ho tseba tse latelang;

Ke eng seo o lokelang ho ba le sona hore o be karolo ya lenaneo la YES?

Batjha ba YES ba lokela ho ba:

- Batho ba Batsho, ho ya ka

tlhaloso ya BEE.

- Pakeng tsa dilemo tse 18 le 34 (kaha sena e le tlhaloso ya motjha); le ho ba moahi wa Aforika Borwa.
- Lenaneo la YES ha se la batjha ba batlang ho fetola mesebetsi, ke lenaneo la batjha bao hajwale ba hlokanang mosebetsi.

Ke mangolo afe a thuto a batlehang hore motho e be karolo ya Boikitlaetso ba YES? Na le motho ya se nang mangolo a yunivesithi a ka ingodisa?

YES e reretswe batjha kaofela ba batho ba batsho ba pakeng tsa dilemo tse 18 le 34, ho sa natswe boemo ba bona ba thuto.

Na le kgona ho thusa batjha ba dulang metseng ya mahae?

YES e reretswe batjha bohle ba Aforika Borwa ba sa sebetseng ho sa natswe hore ba dula kae ka hara naha.

Na YES e fana ka menyetla ya ditjhelete, sebaka sa dikantoro le/kapa thepa bakeng sa Mekgatlo eo e seng ya Mmuso (di-NGO) le dikgwebo tse nyane?

Mokgwa wa tshehetso oo YES o fanang ka ona ho dikgwebo le di-NGO ha se wa tjhelete, ke ka feela ka ho ntshetsapele bokgoni hammoho le ho kenya batjha dikgwebong tsa bona jwaloka mohlodi. Ka bomadimabe, ha re kgone ho

fana ka ditjhelete, sebaka sa dikantoro kapa thepa kapa ho o hokela le bankakarolo ba bang.

YES e thusa jwang batjha ba labalabelang ho ba beng ba dikgwebo? Na le fana ka ditjhelete?

Ka bomadimabe, YES ha e fane ka tshehetso ya ditjhelete ho batjha ba labalabelang ho ba beng ba dikgwebo. Leha ho le jwalo, re ka thusa dikgwebo tse ntjha tse Nyane, tse Mahareng le tse Kgolo (di-SMME) ka ho ba matlafatsa ka batjha ba foreshe, ba sa le banyane le ho ba le boiqapelo.

Ke na le kgwebo e nyane mme ke batla ho mema batjha ba YES, empa nkeke ka kgona ho ba lefa mokgolo. Nka kenela YES ka motjha ofe?

Kgiro e tsheheditsweng ka mekgolo ya batjha ba menngweng ke karolo ya lenaneo la YES la ho fana ka ditshehetso. Difeme tse imatahanyang le diphele tsa merero ya YES di ka kgetha ho kenya batjha dikgwebong tsa tsona kapa ho di-SMME ka kgiro e tsheheditsweng, ntle le ditjeho ho mohiri. Motjha

o tla sebetsa kgwebong eo a memetsweng ho yona bakeng sa dikgwedi tse 12 mme o tla lefuwa ke khamphani e tshehetsang.

Na nka ikgethela batjha bao ke batlang ho ba hira?

Eya, o ka etsa jwalo empa re tla sebetsa le wena bakeng sa ho kgetha motho ya nepahetseng bakeng sa mokgatlo wa hao.

Na motjha yena eo a le mong a ka tshehetswa nako e fetang selemo?

Tjhe, Batjha ba YES ba tshehetswa nako ya selemo se le seng feela.

Haeba o etsa qeto ya ho ikgapela Motjha wa hao wa YES kamora selemo, ke moo e tla ba boikarabelo ba hao ho lefa mokgolo wa hae.

Ke se ke ingodisitse. Monyetla wa ho kennwa mosebetsing o tla qala neng?

Hajwale re motjheng wa ho hlahisa menyetla ya mosebetsi, e leng motjha o rarahaneng le ho ba molelele.

Leha ho le jwalo, moifo wa rona o sebetsa ka matla bakeng sa ho phetha thomo ya rona ya ho hlahisa menyetla ya mesebetsi e milione bakeng sa batjha ba sa sebetseng ba Aforika Borwa. Hang ha re se re hlahisitse maiphihllo ana, ebe ke moo re tla qala ho kenya batjha mesebetsing.

Haeba o se o ingodisitse, re tla iteanya le wena. **V**



Ke ingodisa jwang hore ke be motjha wa YES?

O koptjwa ho kena websaeteng ya rona: www.yes4youth.co.za/youth-registration moo o ka ngodisang jwaloka motjha wa YES.